



Publicaziuns officialas dils 25-10-2019

Damonda da baghegiar

Nr. 110/2019

Datum da publicaziun: 25-10-2019
Patrun: Angelina Tuor-Castelberg artavels, 7176 Cumpadials
Representant: Robert Deplazes, 7165 Breil/Brigels
Liug e parcelas: Curmeias; 6484
Object: renovaziun dalla casa

Nr. 112/2019

Datum da publicaziun: 25-10-2019
Patrun: Cathomas Martin, 7173 Surrein
Liug e parcelas: Clavadi; 6002
Object: construcziun d'ina via da cultivaziun

Nr. 55/2019

midada da project
Datum da publicaziun: 25-10-2019
Patrun: Giger Mario, 7173 Surrein
Liug e parcelas: Reits; 5052 e 1440
Object: adattaziun da finiastras vid fatschadas encunter miezdi e notg

Ils profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 25-10-2019

Cumissiun da baghegiar

Sera d'orientaziun

Project protecziun encunter boas ed auas gronda Val Luven a Rabius

Tenor la carta da prighels ein differents quartiers dil vitg da Rabius periclitai entras boas ed auas grondas. Ord quei motiv sesanflan plirs baghetgs dil vitg ella zona da prighel blava ni cotschna. Muort quella situaziun ha la suprastanza communal introduciu in project per sminuir il prighel entras boas ed auas grondas per liung digl ual dalla Val Luven. La suprastanza communal ha perquei incaricau il biro d'inschignier Hunziker, Zarn & Partner AG d'elaborar in project corrispudent. El denter temps ha il biro incaricau terminau l'emprema fasa dalla planisaziun.

La suprastanza communal ei pertscharta ch'ei dat davart dils pertuccai sco era dils ulteriurs convischins damondas. Ord quei motiv envidein nus Vus ad ina sera d'orientaziun alla quala il project vegn presentaus en detagl. La sera d'orientaziun ha liug **venderdis, ils 25 d'october 2019 allas 20.00 uras** en casa da scola a Rabius.

Sumvitg, 25-10-2019

Suprastanza communal

Uffeci forestal Sumvitg

Naven da gliendisdis, **ils 14 d'october 2019**, vegnan duas stortas dalla via d'uaul Glivers betunadas. Pertuccadas ein las stortas a Gutrusas e Cuolms da Tscheps. Per exequir las lavurs sto la via vegnir serrada naven dils Cuolms da Tscheps ensi per tut il traffic motorisau. La via resta era serrada sur notg e la fin d'jamna. A pei e cun velo eis ei pusseivel da passar. Las lavurs cuozan circa 3 – 4 jamnas.

Dapli informaziuns survegnis vus dil selvicultur da revier, Flurin Cathomas (079 681 19 67).
Engraziel per Vossa capientscha

Sumvitg, 25-10-2019

Uffeci forestal Sumvitg

Preparaziun sin temps d'unviern

Tenor art. 69 dalla lescha da baghegiar ei la vischnaunca autorisada da schar dismetter la neiv dils implonts publics d'avertura sil schischom privat cunfinont cun prender il duiu risguard sin baghetgs, implonts e cultiras. Per liung dallas vias publicas e privatas ein seivs demontablas ni implonts da tal gener d'allontanar. Ultra da quei ston caglias e roma vegnir tagliadas anavos aschia che la rumida da neiv vegn buca impedida.

Quellas lavurs da preparaziun sil temps d'unviern ston vegnir exequidas entochen alla fin d'october 2019. En cass d'omissiun refusescha la vischnaunca suenter la sesiun d'unviern scadins donns occuri ord la rumida da neiv.

Sumvitg, 25-10-2019

Departament traffic

Rumida da neiv 2019/2020

La vischnaunca exequescha era uonn puspei sin incarica la rumida da neiv per privats. L'indemnisaziun per quella lavur corrispunda allas cundiziuns che l'industria privata pretenda. Plinavon sto quella dismessa da neiv star anavos en prioritad alla rumida dils implonts publics d'avertura. Sche pusseivel duei l'incarica vegnir surdada alla vischnaunca mo leu nua che quella procura era la dismessa dallas vias cunfinontas. Vischinas e vischins che vulan schar exequir la vischnaunca la rumida da neiv da lur vias e parcadis privats duront gl'unviern proxim ein supplicai d'annunziar quei a scret ni per telefon entochen **ils 31 d'october 2019** al cau dil menaschi stradal (tel. 079 638 18 19).

Sumvitg, 25-10-2019

Departament traffic

Serrada dalla via Rosas

A partir dils **19 d'uost 2019** vegn il conduct d'aua dalla firma Axpo sanada sil tschancun denter Bogn Tenigia e Runcahez. Per exequir las lavurs sto la via da Rosas denter la Val Caho e la Val Camenisch vegnir serrada per tut il traffic motorisau. A pei e cun velo eis ei pusseivel da passar. Las lavurs cuozzan entochen la fin november 2019.
Dapli informaziuns survegnis vus tiel l'Axpo Hydro Surselva AG / Tavanasa tel. 081 929 25 11.
Engraziel per Vossa capientscha.

Sumvig, 25-10-2019

Axpo Hydro Surselva AG

Uniun samaritana Sumvitg-Trun

La proxima acziun da spender saung ha liug **gliendisdis, ils 28 d'october 2019** dallas 18.30-20.30 en Sala da cultura a Trun.

Sin bien seveser, cunquei spender saung spendra veta!

Uniun da cultura e sport Cumpadials

La radunonza generala da nossa uniun ha liug uonn **sonda, ils 2 da november**, allas 19.00 ella sala dalla casa da scola a Cumpadials.

Tut ils commembers ed interessai da Cumpadials ed ordvart ein cordialmein envidai.

Uniun da mummas e dunnas

Decoraziun per il calender d'advent 2019

Tgi che plascher da decorar finiastras, avon casa etc. duei far aschi bien e s'annunziar entochen ils 8-11-2019 tier Angela, tel. 079 527 17 47.

Il comite

Sera d'informaziun per interessai dalla Scola da talents.Surselva

Dapli informaziuns sut Ilanz/Glion.

Infoabend für Interessierte der TalentSchule.Surselva

Mehr Informationen unter Ilanz/Glion.